



黑貓牌

汗衫翼蟬

薄如蟬翼
細若蛛絲

勤興紡織襪衫廠出品

呀鬼嚟迎接你咯。(生唱)喂喂你咪嚟待咁快。等我睇過聖旨都未遲。(旦白)睇鬼睇馬咩。唔嚟就瓦燒咯。(生唱)呀。原來亞哥封為定遠侯。(旦白)真唔真呀。(生唱)嚟聖旨重寫明嫂隨職封。(旦唱)咁我就謝天謝地。又多謝二叔你帶款一屋。正係光大門楣。(生唱剪剪花)我榮華至。名播萬人知。此際方得志。富貴男兒事終歸向天飛。(旦唱)向天飛。向天飛。你有才總遇時。向天飛。向天飛。你男兒當自期。

112. 花好月圓

月兒合唱
呂文成

(頭段)(生唱小曲蘇武牧羊)消魂并肩笑語頻。(旦接唱)美酒再奉陳。對月醉花陰。(生唱)花繽紛酒芳芬月色照玉人。(旦唱)月下共傾樽。(生唱)花襯美人韻。(旦唱)軟語花生暈。(生唱)微笑月破雲。(合唱)惟願你我共對月圓情義深相印。(生唱)與嬌對月吟。醉後更相親。(旦唱)朝相親暮相親合歌醉夢魂。夜夜共香衾。(旦唱)恩愛籍緣引。(生唱)我倆相親近。(旦唱)情厚羨煞人。(合唱)惟願你我共慶白頭情義深相印。(生唱轉木魚)真煙靚呀。找地兩家溫。同歡共醉月夕花晨。我有意護花。所以常親近。因為坐花醉月酒更長斟。(旦唱)唉咁花若有情。(生唱)咁呀點啱。(旦唱)就真炒韻。(生唱)梗係喇。(旦唱)若果花如解語我話更消魂。(生轉二王唱)所謂解語消魂嬌呀你都着埋。兩份。你有花容月貌略令我心醉。與酒難分。(二段)(旦唱)君你護花與共惜花必定係花心。到不堪問。(生白)唔噲。(唱)咪咁儂喇愛花有意我就更加有意愛人。(旦轉小曲孟姜女)你咁愛花喇。講乜愛人。幾多野花專噲迷魂。明係家花香陣陣。你都要迷入野花羣。(生唱孟姜女)你靚過朵鮮花已經消我魂。個一的野花我永不聞。你無謂花心將我混。舉杯來罰你再飲一勻。(旦合尺滾花唱)唉咁我不過試吓你心腸。(生白)梗係話試嘅。(旦唱)你就當堂咁肉緊。任佢月咁圓花咁好。你話團圓美好點及得我倆人。(生接滾花唱)喂我醉唉咁我醉欲眠。不若講吓的風流妙韻。你睇月色西沉花露重。點似去玉軟香溫。

113. 賣花女郎

(調寄楊翠喜)

梁貴貞唱

漫天寒雨。落霏霏。挽提籃。鮮花低喚行還住。何堪箕伯太相欺。又聞又聞杜鵑。聲聲歸去。聽來濛濛珠淚垂。對景興悲。對景興悲。舊遊復相記。記當時。弟兄姊妹各相依。共同暮且向詩書。到後來天災兵寇連年遇。無端家散最堪悲。奈何奈何兩餐天天相至。採來嬌花街上提。忍把花枝。忍把花枝。換錢復歸去。慣奔馳。菱花不向向花枝。月蛾淡素懶施脂。

114. 燕歸人未歸

(調寄雙聲恨)

梁貴貞唱

睡起懶畫眉。念茲在茲晚來意懸懸。瘦損腰肢。困頓困頓最恨那心事似抽絲。令我自覺日夜欲睡。燕歸郎未歸。越更悲淒。心恨事自